


www.BibleForChildren.org

Mateo 26



Seisi õti
Páskoá
kiiniriti apisa,
Xesosi sari Petánia
sitatxitimoni. Iuaã aua
Arásaro, Xesosi õkitikakiti
Arásaro ipĩkasaaki.
Iuasaaki Maria kosekaro
kamariãro koana. Oia
atão nato kamakoro. Ipixini kiro
ominani aua. Kona koketakoroni.
Natonokara. Pakaronero, iuaritika
okitakaro Xesosi kitimoni. Oiãkoã okaxipokari.
Iuasaaki aapokotxi ãki omarinokara itxaua.



Tosi pakini Xesosi moianariakori. Imoianari Xotasi inakori sari sasetotxi auñteakorimoni. Imisãkiretana ninoa Xesosi imĩkapiritini ãkapani, ninoamoni isikiniri ãkapani.

Ikenakotakasaakirina Xotasi sãkire, ipoxokoniuatana.

Isikaenatarona txineiro iuamoni. Eereka

Xotasi iãtapari

Xesosi imĩkapiritini òti.



Ininiã imoianariakori kamari
Xesosi paniãtakiti iaõka.
Imaiamatarari ikinika kiiniri ãkapani.
Inipokonãtakasaakina, Xesosi
kosekari komiri. Imisãkiretari Teoso:
—Erekapitikari ia komiri pisikakiti
atemoni —itxa. Eereka imaxinãkitari,
sika itxari imoianariakorimoni.
—Apakapa, nika hãtxako.
Ia niãto —itxana.
Eereka ikosekari
iãkoanatxi
iãriã auini.



Imisākiretari Teoso: —Erekapitikari
ia iāriā pisikakiti atemoni —itxa.
Eereka sika itxari iākoanatxi
ninoamoni: —Hīkinika hiātariko. Ia
niarēka xiketakari makatxakariko
kaiāopokori kākiti maerekani. Teoso
sāpiretapekari kākiti ikamaenetakiti
amaneri kākiti ĩkapani. Ia niarēka
oerekari kākiti, Teoso
kamapekari
ikamaenetakiti.



Xesosi sãkirauata Simão Petromoni: —Simão, Simão,
Satanasi amanaãpekari Teoso pite, apanakini apaka
atamakaerekatini ãkapani. Ahoisi misiritiko atoko
inirekari imisiritinii pite. Iuaritika, nota misãkiretapekari
Teoso isikataparatiniri pixinire Simão, nisãkire atão
pauikini ãkapani. Pikerokariko pikamakiti, iuaritika
pikanapiriãpitika nota
sãkire iteene
iuaĩkana pauikini
ãkapani.



Eereka pisikataparaxiniretanako pitariakori nota sãkire
auiãkani —itxa Xesosi sãkire. Petro txari Xesosi:
—Niauĩte, nota iposope nitxa kateiamoni nisini pitekata.
Pitekata iposope nitxa nipinini —itxa. Xesosi txari:
—Atão nisãpiretai. Ia ĩkanõkati patari sãkirauatini
apisapanikako,
ipi ãti pakinikata,
“!Nimarotari iua,”
pitxanoko
—itxa Xesosi.



Eereka Xesosi sari
imoianariakorikata
Xetsémani inakoriãtaã.
Xesosi: —Uai hĩitopãka.
Ikiraã nisako Teoso
nimisãkiretini ãkapani
—itxa Xesosi. Itxari iri:
—Papai, pite posotari
ikinipoko pikamini.
!Pauiritapeno paĩtiki
natatsiirauatini, iuaritika
ninierekari pite nirekakiti
nikamini. Nota nirekakiti
nikamini kona ninireka
—itxari iri.




Ininiã Xotasi sari amãtiirinapemoni ãtikaka
sotatoakorikata, Teoso misãkiretiko aikoti
nĩkatakanikata. Sasetotxi auĩteakori,
pariseoakorikata sari iuaãtaã apaka.
Ikeekotxi, tirikapi pakini anikana.
Ininiã ãti Xesosi moianari sauakari
sasetotxi auĩte apiatakari
nitiri kĩpita ikikomoni. Ininiã
Xesosi: —Hĩitoka ikara.
Iaõpe. Eereka Xesosi
takapiotaua ikĩpitaã.
Iuasaaki
kakĩpitapeka
itxa iuaĩkana.



Ininiã ninoa maĩkari Xesosi, anika itxarina sasetotxi
auĩte apiatakari aapokomoni. Īroãna aapoko ãki.
Ininiã Petro sari ninoa tikini. Sasetotxi aapoko
takote apoka. luasaaki
mapara xamina
pokitakori aua.
Kãkiti topãkanãta
xamina takote.
Irokanãtana.
Ininiã Petro
topãka ninoa
takote.



Āti sasetotxi auñte
apiatakari nitiri, Petro
kisauakakĩpitatakiti
nirimane iua. Iua
pimañri Petro:
—Pitekani
amãtiirinapeãtaã
nitika iuakata?
—itxari. Iuañkana Petro
txari: —Kona notani.
Iuasaakipeka patari
sãkirauata. Iuasaakipeka
mitxi Xesosi sãpiretakiti iaõka
auape. Ininiã eereka Petro
sipe. Iteene txiapata itxa.



Ininiã imakinika ninoa anikari
Xesosi Piratomoni. Ininiã Pirato
pimaãri Xesosi: —Pitekani
Xoteoakori auĩte txataua? —itxari
Xesosi. —luapitikarano nota —itxa
Xesosi. Pirato nirekari
Xesosi isikakini, ininiã
iuaĩkana isãkirauata
kãkitimoni. Txamari ninoa
akiripoakata: —Aamina




ĩpiriãmitakari nopini
hĩtokakitariko.


Hõkariko aamina ĩpiriãmitakari
nopini —itxakatana.




Ininiã Pirato sikari Xesosi
sotatoakorimoni aamina
ĩpiriãmitakari nopini okiko tĩkane.
Ininiã anikarina Xesosi. Xesosi
anikari aamina ĩpiriãmitakari
iuaka okiko ĩkapani. Isana ixirata
“Kiitãtatxi” inakorimoni. Xoteo
sãkireẽ, “Kóokota,” inakori.



Iuaã aamina ãpiriãmitakari nopini
itokakitaãka Xesosi. Apaka
ipi kiki tokakitaãka iua
takote. ãti Xesosi
kikomoni. ãti
isanaremoni.



Atokatxi !iponikaika. Iuasaaki mākatxi mata mitari
Teoso misākiretiko aikotiā arōkakari matsorakitaāka.
Ipi matapeka itxa. Iuasaaki Xesosi akirikata: —Niri,
nisikai nixinire pinīkatini
īkapani. Ikara atoko
inaāka atoko,
ipina.



Iuasaaki Xosee inakori, Arimateia
sitatxitikiri, sari Piratomoni.

Iua Xosee Xoteo auĩte
apanakinikata. Ikinimane
paxitari iua. Iua apaka
iãtapari Teoso
ikinimane auĩte
ininiua õti
apokini.

Iuasaaki Xosee
amotari mãkatxi
mata erekari,
arínio inakori.
Eereka
imakatxakari
Xesosi ãto.



Iapirikari iito mākatxi
mataã, anika itxari
Itaparaxinireritika
Piratomoni isa,
amanaã itxari
Xesosi iito.


akauari irikomoni.
Kai kisakakori
ãki ieretakari
Xesosi iito. Eereka
kai mitapoari
ikatika, tota
itxari iriko.




Iua õti sesta veira, tomatiko õti
apisa. Iua õti Xoteoakori
parĩkauatapitipo, tomatiko
õti imaparĩkauatakani
ĩkapani. Katimatinĩkata
sasetotxi auĩteakori,
pariseoakori pakini
sari Piratomoni.



Ninoa txari: —Ate xinikari iua
kamisirienereri sākire.
Iua txari: “Nipĩkasaaki
eereka ipi āti
pakini õtisaaki
iuaĩkana
nõkitikauako.”




Ininiã isana iuaã. Akauari sona
iteene itotinina ãkapani.
Itakarina Pirato
takaõtxikare itore
nopini. Sotatoakori
iuaã kaikota.
Imoiaãrina
akauari.



Tomatiko õti xipoka atoko, tomĩko
ĩkanõkapanika Maria Matarena,
oa ãto Maria pakini sari
akauarimoni. Ninoa
saãpotakasaaki,
katimaritika itixi
iakeẽkata
itapararitika.
luasaaki

Teoso nitiri
iaxitikiri katxaka.
Ikatapakiritari kai
akauari tore,
topãka itxa iua
kai nopini.



Sotatoakori, akauari
moiaãkani, kikinanaãkata,
ipĩkarauatinina. Irikana
xitipeka. Ipĩkani
atokopeka itxana.



Eereka ninoa sitoakoro apoka
akauari. Teoso nitiri misākiretana:
—!Hīpīkarauatape. Nimarotari
hīte nitanātiniri Xesosi,
aamina ĩpiriāmitakari
nopini tokakitakori.
!Auaika uai. Teoso
ōkitikapekari iua.



Ikara iua sãpiretapekai hĩte. Uai
hina. Hãtamatarari iĩto mitxi
auiniãtaã. Ininiã ninoa
atamatarari.




Ininiã ninoa takanapari akauari.
Ipĩkareritikana, ieneniritikana isana.
Imitekana Xesosi moianariakorimoni
õkitikiniua isãpiretini tĩkane.
Ninoa mitekaãpotakasaaki,
ipixinipokoriti Xesosi tokiã
ninoamoni: —Hĩtepini
ina —itxana.



Ininiã ninoa kapotoreẽkaua iua
apisatoõ, maĩkakitita itxarina.

—Peerekai. Apiananiri
pitxaua —itxanãtana.






Eereka Xesosi oerekaua õsi imoianariakorimoni
inipokotakasaakina. Xesosi õtākikana: —Kinirepa hīte
!auikatari nota iuaĩkana auāki ninini? Kinirepa
!hāuikatari nota aōkitakani sākire? !Kaiokakarekii
—itxa. Imoianariakori imisākiretanapaka atoko,
Xesosi anikaāka Teoso tixinemoni. Iuaã iua
topāka Teoso kikomoni.



—Teoso iteene tiretari ikini itixiti
auakani, ininiã iokanatarari imatonõkari
imi kãkitimoni. Ininiã iua sãkire
auiãkanirako ipinaikako.
Ãtipirika auapikako.



54



60



Homano 3:23 Kotxi ikinimane kamari maerekati,
ininiã !aposota aãpokini Teoso iotximeremoni.

Homano 6:23 Maerekanitxi kãkiti patrãote atoko
itxa. Iñkitxitari kãkiti parĩkatxi ñki, txamari ipĩkitxi
itxaua parĩkatxi ñki. Teoso sikakiti atemoni ãtiãõ.
!Aparĩkauata Teoso sikakiti aãpakapini ñkapani,
iuaritika isikaua aãuini ãtipirika inini ñkapani, kotxi
aãuĩte Xesosi Kristo ipina ate ñkapani.

Epireo 9:27 Teoso kamari ikinimane kãkiti ãtikatika
koriini. Eereka ikinimane sari Teoso apisatoõ.
Iuasaaki apanakini apakapari imisiritiko. Apanakini
apakapari iparĩkana ñki.



Épeso 2:8,9 Atemoni erekari isikakitinokara
makatxakari amaerekani, isãkire aãuikasaaki.
Ininiã !aposota ateka maerekani amakatxakini,
kotxi maerekati kamakani atxaua. Teoso
sikakitinokara makatxakari amaerekani.
Akamakiti erekari !iposotari amaerekani
imakatxakini. Ininiã kãkiti iuikiniua !auari.
Teosonokara posotari imakatxakiniri
kãkiti maerekani.

Homano 10:9,10 Pinamaã, "Xesosi niauĩte" pininiã,
pãkixinireẽ pauikiniãri Xesosi ipinini Teoso
õkitikiniri iua, iuasaaki pimaerekani
makatxakaãkako.



Kotxi aãkixinireẽ Xesosi sãkire aãuikiniã,
ikamaerekataua. Anamaã "Maerekati kamakarino
nota," aniniã, iua makatxakari amaerekani.

Xoão 3:16,17 —Teoso iteene tiretari ikini itixiti
auakani, ininiã iokanatarari imatonõkari imi
kãkitimoni. Ininiã iua sãkire auiãkanirako kona
ipinaikako. ãtipirika auapikako. Teoso iokanatarari
imi kãkitimoni ikini itixiti auakanimoni kona
imisiritinina ãkapanini. Iua iokanatarari imi kãkiti
maerekani imakatxakini ãkapani, ninoa
imapinakani ãkapani.



1 Xoão 5:11-13 Kiripa Teoso sãpiretaua? Iua sãpiretaua: "Nitxĩkitakai auãki hinini notakata hãuapininiika hinini tĩkane. Ikara atoko nitxĩkitakai namarite nakitiakori hinakasaakiua." Iua Teoso ãkiri nakiti Teosokata ãtipirika auako. Iua Teoso ãkiri nakiti minakatiua, !auapani ãtipirika Teosokata. Hĩte auikari Xesosi Teoso ãkiri ininiua. Niokanatsopata hĩtemoni, Teosokata ãtipirika hãuini himarotini ĩkapani.



Mateo 26-28; Arókasi 22-24; Xoão 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Apurinã Bible (apu) © 2004, Wycliffe Bible Translators, Inc.
All rights reserved.

<https://www.bible.com/bible/864/MAT.1>

©2026 Bible for Children, Inc.

www.M1914.org

www.bibleforchildren.org

